



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Broj: 02-02-1-858-2/26

Sarajevo, 18.08.2026.

Predmet: Poziv bh. kompanijama za učešće na Međunarodnom sajmu prehrambene industrije ANUGA FINE FOOD 2027, Keln (Njemačka); 9-13.10.2027. godine.

Poštovani,

Obavještavamo Vas da Vanjskotrgovinska/Spoljnotrgovinska komora Bosne i Hercegovine organizuje nastup bh. kompanija na vodećem međunarodnom sajmu prehrambene industrije – ANUGA FINE FOOD 2027, koji će se održati u Kelnu (Njemačka), od 9. do 13. oktobra 2027. godine.

Ovaj prestižni sajam objedinjuje više specijalizovanih sajamskih manifestacija koje se održavaju istovremeno, čime se izlagačima pruža mogućnost predstavljanja različitih kategorija prehrambenih proizvoda, kao i proizvoda i usluga iz pratećih djelatnosti. U okviru sajma ANUGA 2027 biće organizovane sljedeće izložbene manifestacije:

- ANUGA FINE FOOD
- ANUGA SMRZNUTA HRANA
- ANUGA ALTERNATIVNI PROIZVODI
- ANUGA HLJEB I PEKARSKI PROIZVODI
- ANUGA OHLAĐENA I SVJEŽA HRANA
- ANUGA MLIJEČNI PROIZVODI
- ANUGA PIĆA
- ANUGA TOPLI NAPICI
- ANUGA MESO
- ANUGA ORGANSKI PROIZVODI

Sajam ANUGA se organizuje svake druge godine i predstavlja jedno od najznačajnijih međunarodnih okupljanja predstavnika prehrambenog sektora. Tokom petodnevnog trajanja sajma učesnicima je na raspolaganju bogat prateći program, koji uključuje stručne forume, konferencije, poslovne sastanke, prezentacije proizvoda i usluga, te predstavljanje aktuelnih trendova i inovativnih rješenja u oblasti poljoprivredno-prehrambene industrije i srodnih privrednih djelatnosti.

Pored konferencija i radionica, posebne izložbe i tematski formati na sajmu Anuga 2027 pružaju fascinantne uvide u najnovije održive inovacije u prehrambenoj industriji.

U svrhu nastupa na sajmu, Vanjskotrgovinska/ Spoljnotrgovinska komora BiH namjerava zakupiti prostor od cca 80 m² za potrebe zajedničkog štanda u segmentu ANUGA FINE FOOD.



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>

S toga, pozivamo sve zainteresovane kompanije da uzmu učešće na sajmu ANUGA FINE FOOD 2027.

Troškovi koje snosi Vanjskotrgovinska/Spoljnotrgovinska komora BiH

VTK/ STK BiH snosi kompletne troškove zakupa prostora, dio troškova uređenja štanda, troškove potrošnje električne energije, troškove sajamskog kataloga (Media package), troškovi logistike na štandu (čišćenje, osvježanje – voda, kafa, sokovi, grickalice...).

Troškovi koje snose bh. kompanije

BH kompanije – suizlagači snose dio troškova uređenja štanda i troškove nabavke dodatnih ulaznica za svoje predstavnike ili posjetioce:

Kotizacija za uređenje štanda po kompaniji iznosi 8.000 KM.

Pored navedenog, kompanije- suizlagači su dužne snositi i ostale vlastite troškove:

1. Transport
2. Špedicija uzoraka
3. Troškovi smještaja
4. Prevoz predstavnika kompanije

Kriteriji za kompanije-suizlagače su sljedeći:

- Proizvođači sljedećih kategorija proizvoda: konditorski proizvodi, začini, kafa, tjestenina, smrznuto i prerađeno voće i povrće, pića, konzervirana hrana, dijetetski proizvodi, ulja, organski proizvodi kao i drugi proizvodi prehrambene industrije koji pripadaju kategoriji fine food proizvoda.
- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su orijentisane za izvoz na tržište EU i odgovaraju adekvatnim kvalitetom proizvodnje;
- Kompanije koje su izmirile finansijske obaveze proizašle iz prethodnih nastupa na sajmovima koje je organizovala VTK/STKBiH i koje su pokazale profesionalan pristup prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Kompanije koje su aktivni član VTK/STKBiH (redovno izmiruju obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13);

Zbog završnih dogovora oko nastupa na sajmu, potrebe uređenja i opremanja štanda, predviđen boravak za izlagače u Kelnu je dan pred početak održavanja sajma i cijelo vrijeme trajanja sajma (8-13.10.2027.).

Prijavu možete izvršiti dostavljanjem popunjenog Prijavnog formulara i potpisanog i ovjerenog Sporazuma o uslovima izlaganja u 4 primjerka (prilog).



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Selekcija učesnika

Zainteresovane kompanije koje do naznačenog roka dostave popunjenu Prijavu učešća i potpisan Sporazum o uslovima izlaganja na štandu BiH, ulaze u proces selekcije i biće rangirane prema gore navedenim kriterijima učešća. Firme koje uđu u uži izbor biće kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizovati posjetu firmi.

Rok za dostavu prijava i Sporazuma je 4.9.2026. godine.

Zbog brže obrade podataka, popunjen, potpisan, pečatom ovjeren, skeniran Prijavni obrazac i Sporazum možete dostaviti na sljedeću mail adresu: stanislava.perisic@komorabih.ba, dok je originalni Prijavni obrazac i 4 primjerka ispunjenog, potpisanog i pečatom ovjerenog Sporazuma potrebno dostaviti poštom na adresu Vanjskotrgovinske/Spoljnotrgovinske komore Bosne i Hercegovine, Branislava Đurđeva 10, 71 000 Sarajevo.

Za organizaciju nastupa na sajmu ANUGA, potrebno je imati najmanje prijavljenih 5 kompanija, u suprotnom VTK/STK BiH zadržava pravo otkazivanja organizacije.

Za sva dodatna pitanja kontakt osoba je Stanislava Perišić, stručni saradnik: +387 33 566 242.

U očekivanju vašeg pozitivnog odgovora.

S poštovanjem,



Prilog:

- Obrazac za prijavu;
- Sporazum o uslovima izlaganja na međunarodnom sajmu ANUGA 2027



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566-258, 566-259

E-mail: cis@komorabih.ba
<http://www.komorabih.ba>